

1613\_271.jpg

*Seconde Continuation.*

271

& les anatomies le verifioient, qu'il n'y auoit  
vertebre au corps humain, qui ne fust plus lar-  
ge & espaisse que la plus grande & large coste;  
partant que le morceau de coste que monstroit  
Mazuyer, n'estoit pas d'un corps humain.


Que la hauteur ou longueur de la teste estant  
douze fois plus grande que la plus longue dent  
d'un homme; celles que l'on monstroit estans  
d'un pied de long, il falloit que Theutobochus  
eust eu vne teste de douze pieds de longueur:  
& qu'en sextuplant ceste longueur, son corps  
eust esté de soixante & douze pieds. Partant  
si ceux qui auoient escrit en faueur de ces pre-  
tendus os, eussent aussi bien sçeu les propor-  
tions de chascue partie du corps qu'Appelles  
lors qu'il voulut depeindre vn Geant, dont il  
ne voulut auoir que la main pour représenter  
les autres parties du corps, on pouuoit asseuré-  
ment croire qu'ils ne se fussent hastez de mettre  
ainsi leurs imaginations en public.

Que si par le poids des dents, on pouuoit iu-  
ger de la pesanteur, grosseur & longueur du  
corps (la plus grosse dent d'un homme ne pe-  
sant qu'une dragme, comme a remarqué Ges-  
nerus) l'une des dents (de ce pretendu Theu-  
tobochus) pesant quatre liures, il n'y auroit  
point de doute, qu'il n'eust esté quatre cents  
fois plus gros & pesant qu'un autre homme.

Quant à ce que ledit authœur disoit que l'os  
femur ou de la cuisse auoit au dessous où estoient  
les trochanters, trois pieds de largeur, vn pied  
& demy en sa partie moyenne, & deux pieds en



1613\_272.jpg



272 *M. D. C. XIII.*  
 la partie inferieure proche les deux condyles,  
 Que c'estoit chose impossible, pourcee que la  
 partie inferieure de l'os femur en toutes Anato-  
 mies, estoit beaucoup plus large que la supe-  
 rieure au dessus des trochanters : partant si  
 c'estoit vn os d'homme, qui eust eu trois pieds  
 de largeur en haut, il en deuoit auoir quatre  
 ou enuiron par en bas.


Pour l'os Tibia qu'il asseuroit aussi auoir de  
 largeur plus de deux pieds, & en longueur pres  
 de quatre, Apprenez, luy disoit on, que la  
 longueur de l'os Tibia est cinq fois plus gran-  
 de que n'est le tour de l'os par en bas, où il est  
 plus estroit qu'en haut.

Partant que les Historiens de Theutobochus  
 denoient recognoistre avec les sçauants en Me-  
 decine,

Que ces pretendus ossements n'estoient  
 point os humains, ains os fossiles; Que plu-  
 sieurs Doctes Medecins auoient, escrit que  
 dans la terre il s'engendroient & formoit des  
 os & dents d'hommes & autres animaux d'vne  
 grandeur excessiue, & que Gesnerus auoit es-  
 crit qu'il s'en trouuoit de si grands en vne ca-  
 uerne pres d'Elbingerod, qu'il n'y auoit poine  
 d'apparence, qu'il y eust eu des hommes ou ani-  
 maux de pareille grandeur. Aussi que si dans  
 le corps humain il s'engendroient des pierres, du  
 bois, & de l'or, quedans la terre, mere com-  
 mune & qui contient en soy les semences de  
 toutes choses, il s'y pouuoit engendrer & for-  
 mer des pierres osseuses semblables aux os hu-




1613\_273.jpg





1613\_274.jpg





1613\_275.jpg

*Seconde Continuation.*


275

elle seruoit deux Demoiselles logees ensemble. On luy demanda si elle estoit fille; elle respondit, qu'elle l'estoit où croyoit estre, neantmoins qu'elle auoit quelque chose de la nature d'homme: Mais comme on luy voulut manier ses parties, feignant de plorer, refusa de les montrer, d'autant, disoit-elle, que c'estoit chose honteuse à vne fille qui n'auoit iamais mal-versé de se laisser manier, & apprehendoit qu'on ne luy fist du mal en ces parties là, ou qu'on ne la menast prisonniere.

Le sieur de Fonctis, ayant doucement parlé à elle, avec promesse de faueur, si elle se laissoit manier & veoir pour recognoistre son sexe; elle condescendit qu'un seul la toucheroit, sans la veoir au iour, ou avec de la chandelle. Le Docteur Riolan en prit la charge; mais la Moresque rusée, vsant de son artifice, retira ses testicules dans les aines, & les cachoit avec sa verge dans le creux de ses mains: & de ses doigts, (qui sont le poulce & l'indicatif de chaque main) figuroit ses bourçes en façon de vulue, ou fente composee en son entrée de deux leures ou panneaux, chacune couuerte de poil ainsi que sont toutes bourçes repliees & mises en deux comme ceste Moresque faisoit. Mais sa subtilité recogneuë, ramenee en la chambre, on luy feist par force oster ses mains: & alors les Medecins apperceurent son membre viril prominent avec vne grosseur & longueur competente à l'age, & ses testicules pendans gros comme des œufs de poulle. De plus



1613\_276.jpg





1613\_277.jpg

*Seconde Continuation.*

277

Chirurgiens, qu'elle estoit Hermaphrodite.


Au mois de Iuin l'Apologie Latine d'Adolphe Schulkenius, imprimee à Cologne, contenant plusieurs propositions tendantes à troubler le repos de la Chrestienté, & contre la vie & Estat des Roys & Princes souuerains, fut par sentence du Preuost de Paris bruslee par l'exécuteur de la haute Iustice en la place de Greve, Et furent faictes inhibitions & deffences à tous Imprimeurs & Libraires d'en vendre, & à toutes personnes de quelque qualité & condition qu'ils fussent, d'en auoir, retenir, ny communiquer: Et si aucuns en auoient à eux enjoint de les apporter au Greffe du Chastelet pour estre bruslez: à peine d'estre punis comme criminels de leze-Majesté.

*L'Apologie  
de Schulke-  
nius bruslee.*

Ceste Apologie estoit imprimee avec l'approbation de Cosme Morelles, Inquisiteur à Cologne, lequel au Chapitre general des Dominicains, ou Iacobins, tenu à Paris en 1611. presida en ceste These, *In nullo casu Concilium est supra Papam*. These, qui a esté cōme la source de tant d'escripts qui se sont faicts en l'an 1612. Et qui a semblé donner comme subject de parler à ceux de la Religion pret. ref. voyant vne si grande diuisiō par escrit entre les Catholiques: bien qu'entreux ils n'en ayent esté aussi exēpts, cōme il se veoid en la Lettre du M. du Moulin, escrete aux Ministres de France contre Tilenus & son liure intitulé, *Examen doctrinae Molinæ de vniōne hypostatica*. Voicy les mesmes mots de la lettre:




1613\_278.jpg






1613\_279.jpg





1613\_280.jpg



280 M. D. CXIII.

„ où le Synode ayant ouy la conference & lectr-  
 „ re d'icelle, veu vn escrit Latin, que i'ay faiet sur  
 „ ce subject, on a rendu le iugement tel que vous  
 „ auez veu: & m'est commandé d'enuoyer à cha-  
 „ que prouince vne coppie dudit traicté Latin sur  
 „ ma iustification:  
 „ Sur la fin du Synode me furent renduës let-  
 „ tres de sa Majesté d'Angleterre, vne sage & gra-  
 „ ue exhortation à supprimer ceste controuerse:  
 „ à quoy aussi i'ay obey de tout mon pouuoir,  
 „ n'ayant depuis le Synode de Priuas rien escrit  
 „ ny parlé, ny donné aucun escrit sur ceste que-  
 „ stion, iusques à ce que ceste nouuelle impres-  
 „ sion de liure a rompu mon silence, par neces-  
 „ sité. Estant de retour à Paris, & trauaillant avec  
 „ mes compagnons deputez avec moy, à la réu-  
 „ nion des principaux membres de nos Eglises,  
 „ entre-autres chefs fut parlé des moyens d'affou-  
 „ pir ces differends, & m'offris à n'en parler ia-  
 „ mais, ny en escrire, & laisser les choses en l'e-  
 „ stat où elles estoient, attendant que Dieu don-  
 „ nast à ceux qui en sont cause, vray ressentiment  
 „ & recognoissance: Monsieur de Bouillon pro-  
 „ mit aussi de sa part de ranger Monsieur Tilenus  
 „ au silence, & que ce que ledit sieur Tilenus  
 „ auoit faiet n'estoit que des escrits à la main,  
 „ pour enuoyer à Geneue & en Angleterre: &  
 „ neantmoins c'est ce mesme liure que ie vous ay  
 „ enuoyé. Le Roy d'Angleterre ayant leu soi-  
 „ gneusement ce liure, en a escrit à Monsieur son  
 „ Ambassadeur à Paris. Et voicy les propres mots  
 „ du iugement qu'il en donne:

S  
 vous dire  
 le faire enten  
 cours for im  
 sur les deux  
 qu'aucun ho  
 il se souuen  
 que diuisen  
 defendre se  
 vous dange  
 edification,  
 rons contrai  
 pense qui ne  
 Apres l  
 gleterre, l  
 cer, a fai  
 par tous le  
 nir de la  
 auoit faiet  
 jamais no  
 il vous a  
 que vous l  
 dire & iug  
 que mesme  
 entre elles  
 espineuse,  
 pinions diu  
 corder, occ  
 fond conti  
 diffamees.  
 Mainte  
 sez assez qu  
 est faiete &



**Image issue du site [mercurefrancois.ehess.fr](http://mercurefrancois.ehess.fr) - Cliché (c) Cécile Soudan**